

## Дагъусттаннал Хъун мизит

МАХАЧКЪАЛАЛИВ БУЛЛАЙ БУР МУХАММАД ИДАВСИЛ ﷺ ЦИА ДИРЗССА ДЖУМА-МИЗИТ

**Ж**унма кIулсса куцуй, жулва республикалий байбихъуну бур МухАаммад Идавсил ﷺ цIанийсса мизит буллай. Миву цал архIал чак буван бюхъантIиссар 25 000 инсаннаца. Мизит хъанахъиссар Иса идавсил ﷺ цIанийсса рувханийсса центрданул агъаммур бутIа.

Ялун уруган мизит бикIантIиссар Мадиналивсса МухАаммад идавсил ﷺ мизитраха лавхъхъусса. Амма ванил дикIантIиссар цила личIишивурттугу. Мизитрал дикIан тIий дур 27 метралийн дирсса лахъшиву ва 12 чани ита бакъайсса къуппа. Шиву дувантIиссар чак буван бувкIмий бигъалагайсса фон-

танну ва гъартасса ххултурду.

Мизит буллай бур агъалинал садакъалун дуллалисса арцух. ЦIана най дур гъану бизаврил давуртту. Цала чулуха кумаг буван ччисса гъарца мусульманчувнаща бюхълай бур ва чири бусса давриву гъуртту хъун.

– МухАаммад Идавсил ﷺ цIанийсса мизит бакъасса, ва центрдавуну бикIантIиссар Исламрал ва Дагъусттаннал тарихрал музей. Му музейраву дикIантIиссар ядуллай жуна ххирасса Идавсил ﷺ чIара. Му бакъассагу, бувантIиссар школа, ясли-багъ, библиотека ва хъхъиричIан бу-клакисса аллея дусса парк. Утигъанну Чиркейлив нюжмар чаклил хъирив дартIун дия 1 млн ва 110 азарда къурушгу мусил чIюлушиннардугу ва мизит буван садакъалун дулуншиврул. – бувсунни Дагъусттаннал муфтийнал хъиривчу АхIмад-хIажи Кахаевлул.

Ванал бусаврин бувну, ва мизитрал бигъа бувантIиссар гъарца нюжмар къини шагърулул ххултурдай хъанахъисса автомашинардал пробкарду.

МахIачкъалалул Редукторный райондалий цIусса Хъун мизит буллай байбихъуссия гъашину март зурул 8-нний. Цуппагу буллалисса Дагъусттаннал Муфтиятрал сипталину. Мизит баврин кумаг буван ччиминнаца овчин бюхъантIиссар ва номерданийн: 8 (800) 250-61-91.

Сбербанк – 5469 6000 2800 2103  
Мегафон – 928 566-06-09  
Яндекс.деньги – 4100 1352 6724 539.

Шамил Абдуллаев

### Ва номерданий :



лаж. 4

Хъинсса хасиятру





лаж. 5

Буржирдава уккайсса куц



лаж. 6

Исламравусса хъамитайпалул кIану



## Барачатсса лу

**Д**агъусттаннал муфтий шайх АхIмад-хIажи Абдуллаевлул чивчусса «СалихИнтурал тIул-тIабиатъ» («Благонравие праведников») тIисса лу буккаву хъунни Дагъусттаннал мусульманнал оърмулуду хъуннасса шадлугъну.

Му бакъассагу, 2015-ку шин дуссия Муфтиятрал баян бувну тIул-тIабиатърал ялув бацIаврил шинну. Амма га лу аъраб мазрай бухъувкун, цинявннаца буккин бюхълай бакъая, цанчирча, аъраб маз так имамтуран, диндалул алимтуран бакъа къакIулну тIий. Буккин хъанай

бакъанува цанма шаппа барачатран бикIан ласласимигу чансса бакъая. Га луттирал цалчинмур тираж кIивашанма гъантлул дянив магазиннава бухлавгун бия.

Вай гъантрай бувккунни аъраб маз къакIулминнан ххарисса хавар: ита бавкъунни оърус мазрайн таржума бувсса лу. Мукунма, цаймигу Дагъусттаннал миллатирдал мазурдийгу итабакъин тIий бур. Ва луттираву жунма лякIинтIиссар хъхъичIавасса Дагъусттаннал ва шалвагу мусульманнал умматрал алимтурал аькIурдал ххазина.

Шайх АхIмад-хIажи Абдуллаевлул



канила бувксса луттирал жухъва буслай бур хIакъсса мусульманчув цукунсса икIан аьркинсарив, инсаннал аьмал-хасият, тIул-тIабиат исвагъи цукун дувайссарив. Цанчирча, мукунсса тIабиатъ дусса инсан Алжаннавун уххайнутIий. Лу чивчуну бур авторнал цала пикрирду бусласисса ва жуцалва ихтилат буллалисса кунма. Хъинну куртIсса суаллахъхун аькIилсса жавабру дуллуну дур. Лу машан ласун хъунтIиссар Исламрал тучаннава.

Аьли Шабанов

# Сириянал республикалий хъанахъисса иширттал хIакъиравусса Дагъусттаннал аьлимтурал мажлисрал резолюция



Сириянал аьрабнал республикалий личи-личисса ккурааннал дянивсса дъяви най мукъра шин шавай дур. Тикку агъалинай зул-мурду буллай бур, я миллатрах, я дургъусса диндалух къабурувгун. Ишла буллай бур хъинну гужсса тгизаманнул ярагъ. Му бакъасса-гу, Сириянаву нанисса дъявилувух хIала бухлай бур дазул къатIатусса абралгу. Миннавух бур террорданул ххуллу бургъуну нанимийгу. Укуннагу захIматсса тагъар хъиннура гужну захIмат хъанай дур.

«Исламрал хIукумат» тIисса ца дунугу, му группировкалул эьки бутIлай бур цичIав бакъасса агъалинал оь,

аьшун бизлай бур аьй дакъасса инсантал. Миннал дуллалисса тIуллу сававну мусульманнал хIукуматирттай дакъаву ва паракъатшиву дакъар.

Миллатрайн къарши нани бувсса дъявилый хъинну чIявусса агъали ливтIунни – миннавух хъами, хъинив хъуми, мюршисса оьрчIру, диндалул аьлимтал. Агъали ливчIунни буххансса къатри бакъа, чятирдаву ялапар хъанахъисса кIанайн багъунни. Къуръандалуву увкуну буссар (мяъна): «Аьй дакъасса ца инсан ивчIаврил бунагъ дунияллийсса циняв халкъ ливтIуссаксса бунагъран ккаллиссар». Мунин буну, Дагъусттаннал аьлимтурал мажлисрал загир буллай бур му иширавусса цала пикри ва оьвтIий бур шалагу дунияллийсса агъалинайн, ссанчIав аьркин дакъасса куннал-ку литIаву дайшун дуван, Сириянал халкъуннал ихтиярду дуруччин, щала дунияллул нигъачIин дусса террорданул къартта къукьин дуван. ХIакъинусса кьини хъинну агъамсса задну чIалай бур Сириянаву хъанахъисса иширтган тIайласса кьимат би-



шун бюхъаву. БувчIин бунан багълай бур ИГИЛданул мурдалшиву, жулва жагъилтал тайннал ххяппурттихъун къабирияншиврул.

Цуксса къурчIинугу, хIакъинусса кьини ИГИЛдануву бур хъаврин буну тиккун кIункIу бувсса дагъусттанлулталгу. Дагъусттаннал аьлимтурал ва имамтурал мудан бувчIин буллай бивкIссар ва буллай буссар Сириянаву ва Иракнаву нанисса дъявилувун

сар «такфирданий». Тай хъанахъиссар бъякъусса агълу. Мусульмансса инсаннайн чапурчув тIий, му ивчIан аьркинссар, мунал хъус хъамала дуван аьркинссар тIий бур. Тайннал дуллалисса тIуллал Исламрал диндалуцал дархIусса цичIав дакъассар. Тайннал дуллалимунийн «джигъад» учингу къабучIиссар.

Жу оьвтIий буру Сириянаву дъяви буллалиминнайн, ярагъ тинмай бивхуну, Сириянал миллатрахсса цала жаваблувшиву бакIрайн ларсун, кIива чул рязи хъунсса маслихIатрайн бучIан.

Аьрасатнал хIукуматрал мудан бивкIссар Сириянашал дусшиврул арарду. Тикку дъяви байбивхуния шинмай Аьрасат буссия так дакъаврийнусса маслихIатрал чул бургъуну. Гъарцаннал чIалай бур Аьрасатнал хIукуматрал Сириянаву дуллалимур тIайла дурну душиву мусульман литIаву дацIан дувавил, дакъаву дуруччаврил ва паракъатшиву шаврил чулиннай.

ОьвтIий буру цинявппа мусульманнайн, дуvara дуаьртту, чIа учара Аллагънахъ ﷻ Исламрал умматраву, хаснува Шамуллал аьрщарай дакъаву хъуннав куну.

Дагъусттаннал аьлимтурал мажлис  
15 октябрь 2015 ш.

## Ккуллал райондалий батIаву хъунни

Октябрданул 19-нний Ккуллал райондалийсса Ваччийл шяраву хъунни Дагъусттаннал Гуманитарный Институтрал ва Республикалул диндалул комитетрал хIарачатрайну дурсса хъунабакъаву. Шиккун бавтIун бия щалва райондалиясса 8-11 классиртал дуклаки оьрчIру.

БавтIминнал хъьичI махъру лавхъунни райондалул администрациялул бакIчинал хъиривчу МухIаммад Чариновлул, Лакрал райондалул имам Шихмурад Хажимурадовлул ва Дагъусттаннал Гуманитарный институтрал студент Муса МухIаммадовлул.

Райондалийн бувкIсса хъамал буслай бия терроризм ва экстремизм хIакъинусса кьини яла гужмур нигъачIин дусса масалалийн кIура бавну бушиву ва му иширал хIакъираву гъарцаннал цанасса чIумал личIлулну бикIан аьркиншиву.

ДГИлул студент Муса Мусаевлул був-

сунни вагъгабизмрал дайдихъу цукунсса диркIссарив ва мунил мурад ци буссарив. «Жула заманнай вагъгабизм хъанай дур Исламрал цIанилу нанисса политикалувусса экстремизмрал ххуллу. Мунил хIакъсса Исламрацал дархIусса цичIав дакъассар. Ислам – дакъаврил ва хъиншиврул



динни. Му мурадрайри Аллагънал ﷻ гъан увну ивкIсса МухIаммад Идавс ﷺ. ХIакъину жунма лахъхъин аьркинни оьбала ва дин личIи дуван», – увкунни М. МухIаммадовлул.

## «Каспий ХIалал экспо 2015»

Уттигъанну МахIачкъалалив Радул ХIамзатовлул цIанийсса библиотекалуву хъунни гъарца шинал дувайсса выставка «Каспий ХIалал Экспо 2015». Гъашину ваниву гуртту-шинна дурунни жула хIукуматраясса ва дазул къатIатусса 40-хъул компани-ялул.

Выставка дачин дурну дия Дагъусттаннал Муфтиятрал ва ДР-лул промышленностьрал, машлул ва инвестициярдал министерстволул каялувшиврийну.

Шикку гурттушинна дурунни цала дуллалисса давриву, производстволулу хъьичIва-хъьичI хIалалшиврул масала бивхъусса иш-бажаранчитурал. «ХIалал» тIисса мукъул мяънагу диндалуцал дархIусса духъурчагу, мунил ккаккан дуллалиссар дуки-хIачIия дикIу, цамур зад дикIу зарал бакъасса, ялув бавцIуну дурсса, тIайлашиву дусса душиву. Выставкалул мурадгу бия даххул-



Турция, Малайзия, Белоруссия ва цаймигу. Шикку махъру лавхъминнал цал уттигу дакIинин бувтунни, «ХIалал» му гъарца мусульманчувнал оьрмулул ттарцI душиву.

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

Тираж 3 300 экз.

Сдано в печать 31 октября 2015 г. в 17:00  
Индекс 51388

Адрес редакции  
367015, РД, г. Махачкала,  
проспект Акушинского, 5-я линия, 19.  
Телефон редакции: 8-928-530-59-70.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru  
www.assalam.ru

**Учредитель**  
Благотворительный фонд «Путь».  
Газета печатается по согласованию и одобрению Духовного управления мусульман Дагестана  
**Редакционный совет**  
Председатель редакционного совета муфтий РД  
Ахмад-хаджи АБДУЛАЕВ  
заместитель муфтия РД  
Махди-хаджи МУТАИЛОВ  
**Главный редактор**  
Азиз МИЧИГИШЕВ

**Редактор**  
Шамиль ОМАРИЕВ  
**Заместитель редактора**  
Иса ОМАРОВ  
**Канонический редактор**  
Давуд-хаджи ТУМАЛАЕВ  
**Менеджер**  
Абдусабир АХМЕДОВ  
**Дизайн, вёрстка**  
Мухаммад МУСАЕВ

## Тавба ва щукру

Уттигъанну ца шяравун «Ас-салам» кказитру биян буван лавгсса чумал, ца адаминал увкуна: «Ми ци кказитру бачлай ура, щил буккайссар ми!», – куну. «Ва мусульманнал кказит бурча, инавагу букки ци чичлай бурув», – куну, ганан ца кказитгу буллуну на авчур Махачкъала шагърулинай. Ххуллийх тгун дакнийн багъуна уттигъанну интернетраву бивкксса ца макъала. Ганиву буслай бия Индиянаву гъаттарал хлайванналул дикл дуркунтий, ца адамина ивчанца авттушиву, ганал арс тлурча захматну азарханалийн агъну ушиву. Ялагу цамур макъалалу чивчуну бия ца депутатнал цала партиялувусса дусталгу бавтлун, ми хъамалу буну бур. Дукра дуркуну махъ гайннал цувххуну бур, вай ссал дикл дия куну. Оьлил дикл дуркксса клул шайхту, ганачла шаппа бунува, га депутатгу мукуна автшиву буслай бия. Мусульманнан гъаттарал дикл дукан бучирихха, мунияту гайнналгу пикри-за къабуну канайгу, хъамаллурангу дихлай бухунссия. Индиянаву тлурча оьллу хъинну хъунмасса хурматрай бусса бур, миннуйн икрам-ибадатгума дувайсса дур.

Мукуна, чансса хъхичл Непал тисса Индиянал чларавсса хлукматрай, цирив ца тайннал аьдат дуллаи буну, харжантру, турду ришлай, хъинну цими бакъа, чявусса гъаттара, ятту, къазру, аьнаклив (15 азарва лухи ризкыи, 50 азарва ятту, къяцри, 150 азардахул шаппаллил лелуххант) литлун бивссагу буслай бия. Гайннул диклгу дукъаркуну, дунира къариртун дур. (Муния махъ, аьрши сукку хъуну чявусса халкъума ливтлуссар). Пикри бувару уссурвал-ссурвал, Индиягу, Непалгу ми ца миллат кунмасса халкъри, цавайннал оьлил дикл дуркунтий инсантал литлай, гайми тлурча ссанчлав дакъасса аьдат дуллаи, гайксса гъаттара, ятту литлун буллаи бур. Непал цурдагу мискинсса хлукматри.

Инсан авкксса ххуллийх нанисса чумал жанаварданяр оькки хъанай ур. Ялагу дакнийн багъуна цамургу хавар. Северный Кореянал хъунама ивклусса чумал, бавтлун площадрайн чявусса инсантал – арамтал, хъами, оьрчлру, вев-шев тий агтий, клива-шанма гъантта буну бивклун бур, духиннарава бивксса халкъ кунма. Махъату оьну къааьтгий бивкминнал хъирив багъну, яла миннан танмихлру буллаи бивклун бур. Вай укунса ишругу, мукуна цайми-цаймигу сектардал, бявкъу ххуллийх лавгусса вагъабистурал биклу, исламрал дин зия дуллалисса, вахшыйсса жанавартралгума къадувайсса чярусса дучли дакъашивурду дуллаи бур тий най уссийв. Пикри барча, мукуна мяна дакъасса, духин дусса инсаннал дуван къааьркинсса, чярусса къатлайлашивуртгяту жунма чявуну баллай бур, шикку цинявннай буслан къахъунссар. Цанасса заманнай хъусса ишираяса хавар щала дуняллийх гацана баллай бур, ччимур за клул хъанайгу бур. Тул умуд минная буслансса бакъар, жунма бивчлай бур мукуна тлуду къатлайласса душиву, мин-

нунгу танмихл биканшиву ва дуняллий биклу, бакъахурча ахиратрай хъиннува оьну банссар. Аллагънал ﷻ инсан ляхъан увну ур яла аькълудухин думану, гъан буну бур идавсталгу луттирдащал,



цукун яхъанан аьркинссарив бусласисса. Ялагу инсаннахъхъун ихтияр дуллуну дур ччимур чулинай ачингу, оьмур биклу, хъинмур биклу ххуллу бугъангу. Оьмур, оьккимур буллаи оьрму бутларча инсаннал бакрачлан ххуймур къабучанссар, тлайласса ххуллу бугъуну, хъинмур чулинай нарчарив жунма качаларчагу махъу-хъичлгу хъинну лякъинссар ва дуняллийгу, ахиратрайгу. Клива инсан члаххуврай яхъанай бивклун бур, цаннал гаманал хъулухун мудан чапалшиву дичайсса диркун дур. Ца чумал мукуна чапалшиврул бувцлусса бадрагу бивчун лавгун ур, яла шавату увккун нанисса чумал, ганан ххал хъуну бур цала чапаллсса бадра марцлгу буну, гивчулгу бувцлуну хъулух бивхъуну. Гивугу чагъарданый чивчуну бивклур бур «гъарцаннал чачлара думурди дулайсса» куну. Гания махъ

ганалгу тачлав мукуна тлуд къадурну дур. Тун учин ччимур мури, га пулансса инсаннал, му ци кказит бур куну цувххусса чумал, на пикри бував; бивчлай бурув жунма ва Ас-салам кказитрай биклу, Аллагънал ﷻ жунна дуллусса, марцлсса мусульмансса динналия биклу жунма нанисса хайргу, марцшивугу, бигъашивугу. Думунийн щукру бакъасса чумал, Аллагънал ﷻ дуллумур ласайссар тлар. Жунма цинявнан клулли жула тарихраву миллат ляхъсса клану бугъуну бивкксса чуннугу. Щала дуняллийх цла дуркксса Надир-шахнал аьрал ппив бан шайсса гуж бусса халкъ бивккссар жула буттал-бутахул. Гай миллатрал хъунимий, дингу цакъну дургъуну, цивпагу халкъуннал чларав, жяматирдащал бусса чумал, мунил барачатращал, ляхъшивугу, бюхттулшивугу духунссия.

Цанчирча, мусульманнал динналува дакъатгий инсаннан заралсса цичлав. Цанасса элмурдал мудан ккаккан буллаи бур Къуръандалий 1400 шинал хъхичл чивчусса зару дахъра ялун личлай бушиву. Инсангу му ххуллу тлайлану бугъуну ачирча, хъинну бигъану оьрму бутан хъанай бур. Чярусса азардаяту ххасал хъанай ушиву буслай бур. Так ца дукра дуканнин хъхичлгу, дуркуну махъгу къеппуравун лавсун мазрайн цу бичирча, арулцаллахул къашайшивруя инсан ххасал шайсса ур. Чак буллаисса инсаннал чурх хъинну марцлнугу, кукулунугу бур, цанчирча му унутгий гъантлун ххуйла чаклийнгу ивсуну, чурх сукку-къюркю буллаи. Зума дугъавриву вивату марцл хъанай ур, ккашилсса инсантурал хлал цукунсса буссарив бучлай бур, дакл цими бусса хъанай дур. Жува учару увччунан ккашилма

къаклуссар куну, шиккурив клул хъанай бур. Закат булавриву мискинсса инсантал къаличлайсса ишру бур. Мукуна бусса чумал инсантуруву куннал-куннайн сси бизавурдугу чан хъанай дур. Вай дуллаисса инсаннал Аллагънал ﷻ хъунисса чирирдугу ккаккан буну бур, Алжан нясив хъунтлуссар куну бур. Хасил, цана динналия клул бан, тлайласса ххуллу цумурдив клул бан, захматсса иш бакъар – мизитру титлай бур, имамтал бур, (цалсса гъарца шяраваллаву бакъахурчагу, миккунгу биянссар), аьлимталгу бур, кказитру, журналлу, дискру – ччимур дур, так ца жунма ччан бикларча. Жула миллатравугу, Дагъусттаннайгу, Аьрасатнаву цучлав дин мадував тисса акъар, так ярагъу лавсун халкъ литлай къабуккарча. Мукуна зурча му дин дакъар, му хъанай бур халкъ хъаврин

Сулайман Керимовлул бивсса. Ягу зун гъарзат ппив дан, ччай бурув Сириянаву кунма, сагъсса саламатсса мизитру биклу, хлатталлу диклу, къатри-къушру биклу – за къаривтун, мусульмангу дуняллийх лихълахъи буну, Евросоюзрал ччаннавун бивчуну, къюкьин буну. Му инсантуран дин ляхъхъин даву дакъача, дин къуртал даву хъанай дур, Аллагънал буруччиннав муния. На вай вагъабистурахъгу, Индиянавусса оьлайн икрам буллалисса сектанттурахъгу, мукуна Кореянал атеистурахъгу тий акъара, миннал лакку мазрайсса (къуркъасса бунугу ттул ва лакку маз) Ас-салам кказит къабуккинссар. Вай на цалчин тухъа тий ура, биялну щукру къабуллайсса Аллагънал буллусса неьматирдайн. Хъиривгу, му ци кказит бур тисса къянкъасса лаккучунахъгу тий ура, яхл

буллалаву, жу Ислам дихлай буру тий, мусульмансса инсанталгу литлай. Ислам яла щинни дишинтлусса халкъ къаливчлусса чумал. Зухъхъун ихтияр дулурча зу дуняллий цучлав къаитанссар, зушалава къарязимий литлайхту, зу куннал кулитланссару. Уссурвал, тгун муксса вахшыйшиву члалаи дур микку. Аьрасатнал хъунама В. Путиннул Москвалий биклу, Дагъусттаннал хъунама Аьбдуллатиповлул биклу, Рамзан Къадыровлул Чачаннаву биклу, мукуна щалагу Аьрасатнаву мизитру титлай бур. Ми щинни титлайсса? Мусульмансса инсаннал цала ибадат-чак дан бакъарив?! Ххуйну пикри бувару уссурвал, къура шинал хъхичл жула хлукматрал хъунама, Москвауллал шагърулий мизит титлай гуртушинна дулланссар щилчинссия, цуппагу Дагъусттаннаятуса яхл бусса адаминал

буллаи клай жула захматса зунттаву яхъанахъисса, (зунттаву личлавай бур барзунту, мукуна чанкъансса барзунтраха лавхъхъусса къянкъасса, яхл бусса, виртталгу). Ялагу тий ура лакарл миллатрахе: аьркинну дурив жунна марцлсса, тлайласса жула буттахъал, дуняллийх цла дуркксса шайхтурал, аьлимтурал ядурну, жучанна дирсса мусульмансса Дин, ягу жувагу духиннарава бивккун, ччима ччимур буллаи, жула миллатгу, дингу, мазгу хъама диртун вахшыйсса жанаварт кунма яхъананнун?! Цана жула миллатраву хъанахъисса иширттах бургарча, миккун биянгу хъун хлал ливчлун бакъахъунссар. Я ххирасса Аллагъ була жун аькълугу, тлайласса имангу, ттинин бивсса бунагиртгята тавбагу дурну, щукрулий, рязийну бацлан Ина жун дуллумуния. Амин!!!

Шамил-Хажжи Оьмариев

# Хъинсса хасиятру

ГЪАЗИ-ГЪУМУЧИЯЛ ШАЙХ ЖАМАЛУТТИННУЛ «АДАБУЛЬ МАРЗИЯ» ТИССА ЛУТТИРАВА

**Ш**айх Жамалуттиннул ﷺ чив-чусса «Адабуль-марзия» тисса лу хъанай бур диндалул ххазинар-давасса ца жавгъар. Муниву був-сун бур гъарца мусульманчувнал Аллагнаха ﷺ лагъшиву цукун дуван аьркинсарив. Луттираву бал-жину бувчин буллаи бур хIакъсса тIарикъатрал ххуллу цукунсарив. Му луттирал ца бутIа бур хас бувну ххуйсса хасиятру бувсарин.

**Духин душиву** – му хIайванийсса сипатирттая ва шагъватирттая нафс ва чурх арх буцин бавури. Мукунсса сипат дусса инсан АллагначIансса ﷺ гъаншиврул ва къянкъашиврул (цIакъшиврул) заллуну хъанахъиссар. **КIукIлушиву** – му шагъват бакъанмасса рахIму-цIими бишаву ва язугъшивури. Укунсса сипат дусса инсан халкъ тарбия бан, насихIат бан бюхъайсса инсантуравацца шайссар.

**Иминшиву** – цайминная цува лавай-шиврия махъунай ищавури. Халкъун-нащал хIурматрай, адаврай икIавури. Укунсса хасият дусса инсан барачатрал заллуну икIайссар, мунал амал-лугу Аллагнал ﷺ къамул бувайссар.

**ДакI тIиртIушиву** – цанма ххирасса инсантуращал хъуна авкъуний ххаришиву ва пиш тIутIаву ялун личин давур. Укунсса хасият дусса инсан тIайлабацIу бусса, талихI бусса хъунтIиссар.

**Пикрирал марцIшиву** – цинярдагу ляхъан дурмуния пикриду марцIсса

бикIавур, миннух рязину уруглага-вур. Укунсса хасият дусса инсанная марцIсса, дакI тIиртIусса инсан шайс-сар.

**Сахаватшиву** – му махъунай жава-бран циклуй тIалав къадуллаи, цичIав мурад хъхъичI къабивхъуну хъус бус-равсса инсантуран харж дувавури. Укунсса хасият дусса инсан ниятир-таву марцIсса, дакI тIайласса, лахъсса даражарттайну гъаз хъанахъисса ин-сан хъунтIиссар.



**Сивсушиву** – шариаьтрал дазурдава къауклай, захIматшивурттайн ва бала-мусибатирттайн нанаву. Укунсса ха-сият дусса инсан цIакъсса ва хIурмат

бусса инсантурава икIантIиссар.

**Ссавур даву** – ва дунияллий ва Ахи-ратраву Бюхттулсса Аллагнал ﷺ рязишиву ласуншиврул баларду ва захIматшивуртту духIавури. Укун-сса хасият дусса инсаннал Аллаг-наяту ﷺ муданма кумаг, ка бакъаву ласлантIиссар.

**Къайгъу баву** – АллагначIан ﷺ иян хIарачат баву ва гъарца задря махъ-унай шаву. Укунсса хасият дусса ин-сан АллагначIан ﷺ ивминнавасса, АллагначIан ﷺ гъан хъуминнавас-са икIантIиссар.

**ХIарачат бушиву** – инсаннал цала бакIрайн ларсъ-сса зад паракъат-сса дакIнищал биттур давури. Укунсса хасият дусса инсан цан неьмат буллусса инсантуравацца хъунтIиссар.

**КъюлтIну би-тан аьркинмур ялун личин къа-баву** – винма пишкаш бувсса хасшивуртту, ама-натру ашкара къа-

бавури. Укунсса хасият дусса инсан сахаватшиврул ва хIурматрал май-даннайн гъан хъуманугу, элмулул ва хIикматрал заллунугу хъунтIиссар.

**Чансануй рязи шаву** – Аллагнал ﷺ дуллумунийну дакI паракъат да-вури, чIяру дан хIарачат къабуллаи. Укунсса хасият дусса инсан хъинс-са дакIнил заллунугу, Аллагнал ﷺ хъхъичI хъунисса инсантураватуссагу икIантIиссар.

**Дуниял къаритаву (загъидшиву)** – Заннан эбадат дан диял хъанахъи-мунил дазурдал къатIув дукIакисса дунияллул хъуслия махъунай шаву. Укунсса хасият даву дусса инсан Ал-лагънан ﷺ ххираманугу, инсантуран пайда буманугу икIантIиссар.

**Таваккул бутаву** – Аллагнал ﷺ са-хаватшиврийн таваккул бивхъуну, мюхтаж хъанахъимуниву къайгъу бакъашивури. Укунсса хасият дусса инсан Аллагъ ﷺ кIул шаврил заллуну икIантIиссар.

Укун, ялув кIицI ларгсса ххуй дакъ-асса хасиятругу цаватура дукъан дурну, вай цинярдагу ххуйсса хаси-ятру цачIун дурсса инсаннан, вай цинярдагу камилсса сипатру хIасул хъунтIиссар. Махлукъатрал сайид МухIаммад Идавсил ﷺ суннатрал хъирив авчуманугу хъунтIиссар. АллагначIан ﷺ бивсса, хIурмат ла-вайсса хъунисса валийтуравацца ва ххираминнаватуцца икIантIиссар. Ци-няв макъамру, ахIваллу бивтминна-вацца, ахIваллу хIасул хъуминавацца, чувшиврул даражалийн гъаз хъумин-навасса икIантIиссар.

*ХIадур бувссар  
МухIаммад Къурбановул*

## Лелуххантрап баян

**А**жартту, аьнакIив ичIува Лябаву хъинсар, бара-чаттсар. Мискин-пакъирнал ятту – аьнакIив, ажарттур. Хаснува ажарттул ххираши-вуртту чIяруссар.

Муниву идавстурал тIуллаятусса чIярусса тIуллу дуссар: Аллагъ ﷻ кIицI лага-ву чIяруссар, яру шанайнугу, дакI шанай къадикайссар, чув-шиву дуссар, сахаватлушиву дуссар, къаракул цIакъссар, залуннал къайрал къаралчи-ри, чIаххурал къаралчири, чIу ххуйссар. Ми тIуллу мунияту муьмичувнан лахъхъингума лайкъссар. Ажарттун чаклил чIун хъушивуру кIул шайссар. Адам ﷺ идавс Алжаннава лухччинийн ливксса чIумал мунал эбадат дайсса чIун къакIулну диркIссар. Яла Ал-лагънал ﷻ ссавруннаяту ца ажари ликкан бувссар Адам-лун ﷺ, мунияту мунал чак байсса, эбадат дайсса чIун кIул хъуншиврул. Мунигу ссавруннайсса малаиктурал тасбихI, эбадатрал чIу баллай бивкIссар. Му чIумал га ажарт-тул эю куну тасбихI дайсса диркIссар. Мунил дуркун Адам-лун ﷺ цалла дайсса эбадат дуллаи ивкIссар. Ялагу Алла-гъу Тааьлалнал ца ажари ляхъан бувну буссар куну бур Аьрши-рал лув, кIира хъагу дусса ца машикIрайн, ца магърибрайн дирсса. Хъхъунил ахир гъан

хъувкун, му ажарттул гъарца хъхъуну кIюрххичIун хъаттир-дугу риршуну «субхIанал маликил къуддус» куну эю куну тасбихI дайссар. Му чIумал лухччинийсса ажарттал му-нихъхъун жавабран хъаттир-дугу риршуну эю учайссар. Мунил эюлул мяънагу Аллагъ ﷻ кицI лагияра тIиссар. Муни-ятур ажарттуйн оь махъ учаву, рищаву къахъинсса.

Ажарттавагу кIяламур хъинс-сар. Му бусса кIантайн щайтIан гъан къашайссар, ссихIирчи гъан къашайссар, зарал байсса шатта, кIулу, къюрщала, хIашаратру гъан къашайссар. Ажари Идавсил ﷺ дусри, иблислул душманни. Иблислун ажарттуяр къаччис-са лелуххи бакъассар. Расуллу-лагънал ﷺ му цува усса къат-лувугума битайва тIар, хIатта инсаннан мунил ххирашиву кулссания арцу-мусийх лас-ланссия куну бур.

Мукунма, ичIува, къатраву хъхъиру битавугу хъинссар. Гъарца идавсил къатта мий бакъасса къавхуссар, минул чаклийн чантI учин айссар, цIуцIавурттая уручайссар. Мий бакъасса къатравусса оьрчIащал щайтIантрап мах-саргту буллан бикIайссар. Хъхъиру бугъурча миннушал буллаи оьрчIу цивппа къаби-тайссар.

*«НасихIатуль аьвам»  
(«ГъунчIукъатIан»)*

## Хъу дугъаврил ххирашиву

**И**нсаннал дайсса пишар-даву яла ххирамур – хъу дугъавур. Мунияр ххирасса, халкъуннан мюнпат хъун-масса пиша бакъассар. Ду-нияллий хъхъичIра-хъхъичI дургъусса санятту мури. ХъхъичIра-хъхъичI хъу дугъ-лай айивхъумагу Адам ﷺ идавсри. Цувагу Аллагъу Тааьлалнал изнулийну Ал-жаннавагу нищругу, мунил ярагъгу, лачIал ккуккугу бучIан бувну, Жабраил-ма-лаикная мунил элмугу кIул дурну, дугълан ивкIссар.



ХIалалну, тIайлану му пиша буллалисса инсаннал дара-жа хъинну лавайссар. ХIатта хъудугъул хъунивух бищун къалмул кIама бувцIукун, ма-лаикнаал оьвкуну учайссар: «Я Аллагнал ﷻ гъалмахъув, вил канивун барачат бувххунни», – куну. КIама бивщукун, ца-

ца ккуккулун ацI-ацIра хъин-шивугу чичайссар, ацI-ацIра оьшивугу яла гъан дайссар, ацIа даража бюхттул байс-сар. Мий къама ххяхъхукунгу ца-ца ккуккулул бакIрахсса муьминчув утава увссаксса чире буссар. Щюлли хъуну махъ ттихIиннин ми ххяр-хсса задругу мунал аьпа чIа тIий дикIайссар. Хъу ттирхIуну ччарду дуркунгу, ми кунна мунал бунагъругу ккуччу шайссар. Миннуя за-кат бувккунугу мукъIалла шиная чак буллаи, зума дугъ-лай ивкIссаксса чире чичайссар. Миннуя ккук-ку бувкусса нахъ дуркусса хIайвандалул, лелуххул мунал аьпа чIа учайс-сар. Мунал хъу-вух хъарас дир-гъукун, мунал чурх дуржагърал цIарая ххассал шайссар. Мунал гъухъа итавугу гъази гъухъа ита-

ву куннассар. Муная чурххал къанкъу зума дургъуманая къункъан лархъхъуссар. Му ивкIукунгу, мунай лухччи аьтIун дикIайссар. Муксса дара-жа хъунмассар хъудугъуйл Къиямасса къинигу. Хъудугъуй ялувссар цал-ва хъувух бугъайсса гъанна

хIалалсса, цува заллусса, чув-нан хIакъ бакъасса бикIан, хIарамсса бугъурча муния хъумургу хIарамссар, ци-няв бакIлахъру хIарамсса хъунтIиссар. Гъай учин бавхIусса хIайвандалийгу анаварну гъай тIий гуж къа-банссар, цилла сантирай бакъа. БахIин лайкъмур бакъа багу къабахIайссар. Масала, ттукку, чу, бахIаву къалайкъссар. Дазу-зуманий къия дурну, гужрай цаманал аьрщарай, цаманал хъуний муний заллушивугу къаданс-сар, акъахъурча, Къиямасса къини цалва дарвачрахун бюрхIлу бувну бутантIиссар. Мукунмасса ххирасса пиша ахъулссаннул мурхъ бугъаву, ахъру, багъру баву, миннуйн щин дихълай, бакъин буллалаву. Жабраил-малаикнаал увкуссар: «Нава дунияллий касму дайсса инсан уссия, му ахъурдил пиша бугъавияв, мунил чире хъунманутIий», – куну. Мурхъ бувгуну, ахъ-улсса хъурча, миннуя цалла дуркумургу садакъари, цаманан дуллумургу садакъари, дарцуну дуркумур садакъари. ХIатта, миннуий хъусса ахъулс-саннул бакIрахсса чире хIасул шайссар – мурхъ бувгунан, щин дирхъуну бакъин бувну муниха къуллугъ бувнан.

*ГъунчIукъатIрал Къурбан-Аьлил  
«НасихIатуль-аьвам»*

## Буржирдава уккайсса куц

**О**рмулуну цалвагу арцу буржирай къадуллусса инсан акъахьунссар. Ца-ца чIумал ми буржру хьинну хьунисса буван багъну, та-бунугу лахьан хьунавав тIисса кIанайнгума бияй. Амма мукунсса иширттансса жавабугу дур Исламраву.

### Буржиравун агьманал дуаь

Бурж бусса инсаннал цанма му ишираву бигъашиву хьуншиврул вай дуаьртту дуккирча хьинссар:

اللَّهُمَّ اكْفِنِي بِحَلَالِكَ عَنْ حَرَامِكَ ، وَأَغْنِنِي بِفَضْلِكَ عَمَّنْ سِوَاكَ

«Аллагьумма-кфини бихIалалика аьн хIарамика ва агьнини би фазлика аьман сивака».

Мяьна: «Я Аллагь! Ина хIалал дурмунийну на ххассал ува хIарам дурмуния, Инава акъа цаманачIансса мюхтажшиврува уккан ува Вила цIимилийну».

اللَّهُمَّ إِنِّي أَعُوذُ بِكَ مِنَ الْهَمِّ وَالْحُزْنِ ، وَالْعَجْزِ وَالْكَسَلِ وَالْبَخْلِ وَالْجُبْنِ ، وَضَلَعِ الدَّيْنِ وَغَلَبَةِ الرِّجَالِ

«Аллагьумма инни аоьзу бика миналь гьамми валь хIазани вааль аьжзи валь касали валь бухли валь жубни, за зальи-ддаини ва гьалабати-р-рижалъ»

Мяьна: «Я Аллагь, на Вихь чIа тIий ура уруччаву дардирдая ва пашманшивруя, заэвшивруя ва курчIилшивруя, ни гьа усаврия ва мяшшивруя, буржирдаву агъаврия ва цаймигу инсантуран шайсса зараллая».

### Хьус-ризкьилулу, маэшатраву бара-чат, буллу гьышиву дикIаншиврул ду-вайму

1) Хьусливу барачат бикIаншиврул яла гужмур савав – чIявуну Кьуръан буккавури. МухIаммад Идавсил ﷺ укуну бур: «ЧIявуну Кьуръан буккайсса къатлулу барачат гьарза шайссар».

Шивун духхайссар рувхIанийсса ва хьуслийнусса барачатшиву. Цамур хIадисраву укуну бур: «Чанну Кьуръан буккайсса къатлулу барачатшиву чан шайссар». Кьуръан чанну буккайсса къатлулу агьалинайн личИ-личИсса захIатшивуртту, цIуцIавуртту чIяруну диййссар. Мукунсса къатлулу малаиктал чанссар, шяйтIант чIявуссар. Вана укун, Кьуръан буккаврийну къатлулу барачатшиву гьарза дуван шайссар.



Кьуръандалулу буссар сура «аль-Вакъиаъ». Му суралия Идавсил ﷺ укуну бур: «Хьхьувай сура «аль-Вакъиаъ» буккайма мискиншивруя урувчуну икIантIиссар. Му буккайсса бивкIссар асхIабтуралгу, миннал хьиривсса табиинтуралгу цивппа мискин къахьуншиврул».

2) Мусульманчунвал хьус гьарза шаврил цамур савав – чIяруну салават дутавури. ХIадисраву укуну бур: «Кьуръан буккайма – Аллагьнайн ﷻ шукрулиймари, салават дутайма – барачатрал щарашуйн ивмари». Цамур хIадисраву укуну бур: «Вила щала чIун

салават дутлай гьан дува – ина гьарца захIатшивурттая, апатIирттая, къумашивурттая мурахас хьунтIиссара, бусса бунагьирттаягу марцI хьунтIиссара». 3) Аллагьу Тааьланал инсаннал хьус-ризкьилий барачат бишаврил цамургу савав – кIюрххил чаклил чIумал, баргъ гьаз хьуннин шанан утту къаишаву. «КIюрххил чаклил хьирив шанан утту ишайманал дунияллул маэшат къабачинтIиссар» – укуну

### Закатравасса кумаг

Буржирдавун агьсса мусульманчунвахь дуссар ихтияр закат ласун. Мунин бувну, мукунсса иширавун агьманаща шайссар цува ялапар хьанахьисса кIанайсса мизитравун лавгун, миву закатрал арцу духьурча, миннуясса бутIа цанмагу тIалав буван. Амма закатрава кумаг ласун ччиманал дуссар цаппара шартIру:

1) Закат ласайма мусульманчун икIан аьркинссар. Мусульман акъаманан закат къабулайссар.

2) Бурж бикIан аьркинссар хIалалсса мурадрай бувсса. ХIарамсса ххулий бурж бувманан закатрал арцу къадулайссар.

3) Чак бувайсса икIан аьркинссар. Буржиравун агьма чак къабувайсса ухьурча, мунангу закат къабулайссар.

### Буржирай дуллуманыхь барчал-лагь учаву

Бурж зана бувайсса чIумал, винна буржирай арцу дуллуманыхь дуаь дуварча хьинссар вай махьру укуну:

بَارَكَ اللهُ لَكَ فِي أَهْلِكَ وَمَالِكَ

«Баракаллагьу ляка фи агьлика ва малика»

Мяьна: «Аллагьнал ﷻ вил кулпатрай ва хьуслий барачат бишиннав».

### Агьамсса масала

Бурж бувну, му зана буван чIун хьуну духьурча, буржирай ларсманан къабучIиссар арцул залунная ихтияр къаларсун садакьа буван, ххирасса багьлунсса зад ласун, аьркиншиву дакъасса кIанайн арцу харж дуллан. Фаризасса хIажлив гьангума къабучIиссар. Амма бурж зана буван чIун дирну дакъахьурча, ялув кIицI лавгмур буллан бучIиссар.

Юсун МухIаммадов

## МарцIсса дакIнил лишан

**Ж**ула диндалулу гьарца бусурманчуннай ялув бувну буссар цалва динналул уссурварая ва ссурварая ххуйсса пикрилий икIан. Мунин учайссар «хIусну-занн» куну. ХIакьсса, загьирсса хIучча бакъану-ва инсанная оьккисса пикри баву, га бунагькарди, мунафикьри учаву хьунмасса бунагьри.

Ца заманнай шагьрулул къапулуцIа ца къужа шяивкIун ивкIун ур. Арх акъа авцуну ивкIун ур шагьрулулун увкIсса машагьгу. Ца шпурттуву къужлуцIан жагьилсса адимина гьан хьуну ур. Га архсса билатрая увкIсса ушиву чIалай бивкIун бур.

– На вай кIанттурдаву тачIав къаивкIссара. Шикку цукунсса халкъ буссар? – цIувххуну бур жагьилнал къужлухь.

– Ина ванияр хьхьичI ивкIсса шагьрулулу вин цукунсса агьали лявкъуна? – цIувххуну бур къужлул.

– Хьинну оьсса, ххуй дакъасса хасиятру дусса халкъ бия, – куну бур жагьилнал.

– Туну вин шиккусса халкъгу мукунма лякьинтIиссар.

Цаппара хIал лавгун махь шагьрулу-



вун увххун ур цама адимина. Гава куц-цуй ганалгу къужлухь суал бувну бур:

– Бутгауссу, цукунсса халкъ бур ва шагьрулулу? На дахьа увкIра, ттун шиккусса инсантурал аьдатру къакулли, – куну. Къужлул кIилчингу суалданин суал булуну бур:

– Инава ванияр хьхьичI ивкIсса шагьрулулу цукунсса халкъ бия? – куну.

– Хьинну ххуйсса, хьинсса ва хьамал

ххирасса халкъ бия. Гикку ттул чIявусса гьалмахтал хьунни. Га шагьрулия гьангума ччай бакъая, – жаваб дулуну дур жагьилнал.

– Шиккугу вин мукунмасса агьали лякьинтIиссар, – куну бур къужлул. Вай кIивагу ихтилат бавсса машагь махIаттал хьуну, къужлухь цIухлан ивкIун ур:

– Му ци ишри!? КIия инсаннан цава-ца суалданин ина личИ-личИсса жавабру дуллуну... Мунил мяьна цир? – тIий.

– Гьарцаннал дакIниву цалла дуниял дуссар. Цува хьхьичIва ивкIсса кIанай так оьшиву дакъа ккаккан къабювхьуманан шиккугу цичIав ххуйсса къалякьинтIиссар. Цайми шагьрулдай дулал лявкъуманан шиккугу гьалмахтал буван бигьану бикIантIиссар. Жувува бумурди лагма-ялттуминнаву чIалан бикIайсса! – куну бур къужлул. Инсан дакI марцIсса ухьурча, ганан

цаймигу цува кунма марцIну чIалан бикIайссар. Даки чапалманан циняв чапалну чIалан бикIайссар.

ХьхьчIвасса хьунисса аьлимтурал учайсса бивкIссар: «Оьккисса тIул дуллалиманай аьй дуваннин га тIайла ансса арулцIалва багьана ххал бува», – куну. Жула Идавсил ﷺ укуну бур: «ТIайла бакъасса пикри буваву, тIайла бакъасса хIукму бувавил сававри», – куну. Цамур хIадисраву укуну бур: «Оьккисса пикри – яла шялмахьмур гьалгьари. Куннал хьирив ку мабацIларди, ясушиву мадулларди», – куну.

ШяйтIаннул мудан хIарачат бувайссар жува ххуйсса, лайкъсса инсанная оьккину пикри буллали буван. Мукунсса пикрирая марцI шаву жулва буржри. Халкъунная ххуйсса пикрилий икIаву – дакIнивусса имандалул, марцIсса дакIнил лишанни, мунийну питналул, оьшивурттал къапулду лакъайссар, муьминтурал дянив ччаву, уссушиву цIакь дувайссар.

Му хасият жуваурагу хьуншиврул нафсрашал ччалан, чIяруну дуаь дуллан аьркинссар. Аллагьнал ﷻ кумаг баннав!

Мансур Багьаутинов

# Исламравусса хьамитайпалул кIану

Уттигъанну ттул хьунни укунсса ихтилат. Ца хьамитайпалул увкунни Исламраву шарссаний зулму буллалиссар, муни махъ учин, ссихI дуккан ихтияр дуллуну дакъассар. Му гьалгьалулу ттуца га хьамитайпалун цичIав бувчин буван къавхьунни, на тIимур ганин баллай бакъая. Баллайгу бакъахьунссия баян къаччай буну тIий. Га кунмасса хьаннил Исламрал чулухуннай цукуннивсса сси бусса кунма чIалан бикIай. Мунил сававгу – Ислам къакIулшиву, дурчIлай дакъашиву. Цанчирча, Исламраву бумур бувчIайсса, къамул бувайсса инсаннал пикри хунтIиссар, ва тгунна яла хьинмур дин дур тIисса. Исламраву хIалал дурмур гьарзад – хайрданунссар, хIарам дурмурдив – заралссар.

Буруганну мусульман бакъамин-навусса хьамитайпалушталсса арардах. Ласунну, масала, Индия. ХьхьичIазаманная хIакьинусса кьинин тикку хьамитайпа калли бувайсса бур кIилчинмур сортрал инсанну. Кулпатраву душ баву – тяхъа бакъасса ишну ккалли байсса бур. Душ бувсса шарсса ласнал даттангума бюхъайсса бур. Мунияту, нигъа бувс-сса хьаннил абортру чIаруну дувайсса дур. Муни буну, Индиянаву хьами мукун чан хьуну бурхха, буцинсса душ ххал буллай архсса кIанттурдайн занан багъайсса бур. Индиянаву щачарну личIаву – хьуннасса кьукьалану хIасав дувайсса дур, кIилчин шар хьунгу ихтияр дакъасса дур. Адимина ивкIукун, тайннал аьдатрайн буну ганал жаназа ччучлачисса чIумал, хьаннингу багъайсса бивкIун бур царавун ххавххун цанма цала буван. Мукунмасса иш бивкIссар Ислам къамул дуваннин Аьрабнавугу. Душ буварча, га сагъну бунува аьрщараву буччайсса бивкIун бур. ЧIавуми хьамигу сагъну лирчIун дур нитихъал буттахъая кIучI буллай, кьютIну хьуну буну. Бувсса душ сагъну бунува къабуччайсса араментал хьинну чансса бивкIссар тIар аьрабнавугу. Ца чIумал МухIаммад ИдавсичIан ка аьраб увкIун буслан ивкIун ур цалва душ сагъну бунува бувччусса куц. Идавсица макъ дугъан къархьуну, аьтIун ивкIун ур. Гьалак хьусса асхIабтал ганахъ тIун бивкIун бур: «Да, гьар! Аллагънан ка ххирама аьтIутIи циван уллай ура!». МухIаммад Идавсил ка Аьрабнал аьрщарай хьун дурссар хьамитайпалул сий, къадру. Аьйшал ка увкуссар: «Лахъхъу сагъну бунува бувччу-

ну бикIан бюхъайсса хьамитайпа хIакьину ИдавсичIан ка бивкIун, цила ихтиярду дуруччаву тIалав дуллай бур».



Хадисраву увкуну бур: «Зу зула душварашал цими буну бикIяра, Аллагънал ка миннай ляличисса цими бивхьуссарча», – куну. Цамур хIадисраву жухъа бувсун бур бутгал цала душру Исламрал ххуллий тарбия буварча, ми бацIантIишиву мунал ва дуржагьрал дянивсса баруну. Европанавури хьунмасса хIаллай бивкIссар бястру буллай, хьамитайпа инсаннивкъай ягу хIайваннив тIий. Махъва-махъгу къамул бувссар мунилу аькIу бушиву. Исламраллив мукун хьун бувссархха хьами, миннахъхьун ихтияр дуллуну

диркIссар асхIабтурайгума бювкьу буван, гайнналгу миннал тIимуних вичи дишайсса диркIссар. Совет хIукуматрал чIумалсса араментурал ва хьаннил ихтиярду ца дуваврия тIурча, му ттухъ цIуххирча, ахIмакъсса пикри хьанай бур. Шарссанихъхьун кьютIилугу дуллугу чарту гьагълан ягу муххал ххуллу буллан гьан баву – мунисса тархъаншивуну чIалай дакъар, цанчирча, хьамитайпалул заэвсса жан дунутIий. Ца чIумал МухIаммад Идавсин ка ккавкссар варианттай хьами бувцуну нанисса адиминал гай вариантту

Мусульман хьаннил лаххан ккаккан дурсса янналия тIурча, буруганну тарихравун. ХьхьичIва халкьуннал янна лаххайсса диркIссар цала тагьарданух урувгун. Янналийну бувчин шайсса бивкIссар инсан ссаха зузисса, ци маэшат бусса уссарив. Ялавайминнал чансса тIиртIусса янна лаххайсса диркIссар. Лагъсса хьаннил лялату лавайсса чурх кIучIагу къабувайсса бивкIссар. Амма Ислам дуркIукун, мукунсса личи бавуртту духларгссар, циняв архIал бацIан бувссар. Цаннаяр гама лавайшиву хIасав дувайссар Аллагъная ка нигъа усаврих урувгун. Кьурьандалувугу увкуну бур (мяна): «Зувату яла хьинми Аллагъная ка нигъа бусаймири». Исламрал хьамитайпа гьаз бувссар, кIачIасса чурххай яннагу лаххан дурссар. Амма хIакьинусса тагьарданух буругарча, Аллагънал ка мукун гьазгу буну, хьун бувсса хьами янна лаххан ччай бакъарча, лирккун занан ччай бур. ХьхьичIазаманнай лагъсса хьанния янна ликкайхьунссия га баххайсса чIумал ласайманан ккаккан буваншиврул. Цанасса заманнай ци аьркиншивури дусса мукун дуллан? Жаваб так ца дур: араментурал цахара къулагъас дуваншиврул. Зун чувчIав ккавкссарив шариаьтрайн буну янна лархсса хьамитайпалухун араментал бахчилай. Аллагънал ка буюр буну бур араментурайн, хьаннишал хьинну, лайкъну бикIяра, куну. Ца чIумал ИдавсичIан ка бивкIссар чIивисса оьрчIашалсса хьамитайпа. Ганал увкуссар: «Цала оьрчIай цими бувайсса, ласнах вичи дишайсса хьами Алжаннавун буххантIиссар», – куну. Му бакъассагу, чIавусса хIадисру бур ниттиха хIурмат буван аьркиншиву, буттаханияр ниттиха адаб дуван аьркиншиву бусласиса. Ва куцуйссари Исламравусса хьаннил тагьар. Му иш хIакьинусса кьини мукун бакъахьурча, аьй Исламрай дакъар, аьй халкьуннайри. Аллагънал ка жува буваннав тIайламур тIайламурну, щялмахъмур щялмахъмурну чIалачIиминнавух! Амин!

Муса Аьбуллаев

# Чак баврия кутIану

Алагънал ка халкъ ляхъангу буну, оьрмугу буллуну, ризкъигу буллуну бур гьарцаннан ва дунияллий. Ми неъматру булаву бакъасса, жуйва ялув буржругу бивхьуну бур. Ца мукунсса, чара бакъа бан аьркинсса бурж хьанай бур кьинилун ххюва чак баву. Муниву цукунчIавсса захIматшивугу дакъар, цанчирча, ца чак бан ххюра-ацIра минутI диял шай.

## Чаклил шартIру

- 1) Чаклин ивсуну икIаву;
- 2) Чурх, янна ва чак байсса кIану марцIсса, нажас дакъасса бикIаву;
- 3) Аьврат (чара бакъа кIучI дан аьркинсса базурду) кIучI баву;
- 4) Чаклил чIун дуркIшиву кIул шаву;
- 5) Кьиблалин лажинну кIура аяву;

## Ракааьтру

Гьарца чакливу дикIайссар цинна-цинна ккаккан дурсса ракааьтру: кIюрххил – кIира, ахттайннай

– мукьра, ахттакьуннай – мукьра, маркIачIаннай – шанна, хьатIаннай – мукьра.

## Чак баврил низам

Ялув чирчусса шартIругу щаллу дурну, Кьиблалул чулухунайгу урувгун нийят дайссар, масала: «На нийят дурунни ахттайн чаклил фаризасса мукьра ракааьт дан, Аллагъу акбар» – куну, кIирагу канил хьун кIисри вичIал лахъшиврийн бияннин гьазгу дурну, хьазамрайр чансса яларай кьямур каний урчIамур дишайссар. КIа «Аллагъу акбар» увкусса махъ учайхтту инсан чакливун увхссар. Му куцуй авцуну унува буккайссар сура «аль-ФатихIа» (АльхIам). АльхIамрал хьирив кIулманал «кьулгъу» ягу цамур сура буккавугу хьинссар. Мунил хьирив гава куцуй кару гьаз дурну, «Аллагъу акбаргу» куну, хьхьичIунай къус ивкIун, кару никирттай дирхьуну рукуь дайссар. Рукуьрай шамилва «субхIана раббияль аьзим ва

бихIамдигъи» учайссар. Ялагу гара куцуй каругу гьаз дурну «самааьлагъу лиман хIамидагъ» увкуну тIайла ацIанссар (иьтидаль). ТIайла авцIукун «раббана ва лакаль хIамд» учаву суннатссар. Яла «Аллагъу акбар» увкуну цалчинмур сужда байссар, цал никру рирщуну, яла кару дирхьуну, яла ненттабакI бивхьуну. Суждалулу шамилва «субхIана раббияль аьля ва бихIамдигъи» учайссар. Хьирив «Аллагъу акбар» увкуну кIилчинмур сужда баннин чансса хIаллай никирттай щяикIан аьркинссар. Яла кIилчинмур сужда байссар, кIава куцуй «Аллагъу акбар» увкуну. Суждалулу чара бакъа ненттабакI, кару, никру ва ччаннал кIисри щяв лавну бикIан аьркинссар. КIилчинмур сужда баврийну цалчинмур ракааьт кьурталссар. КIилчинмур ракааьт даншиврул «Аллагъу акбар» увкуну ивзун ччаннай ацIайссар. КIилчинмур ракааьтрал кIилчинмур сужда буну махъ дуккайсса «Аттахийяту»: «Аттахийятулуь

мубаракату-с-салавату-тI-тIайийибату лиллагъ. Ассаляму аьлайка аййугъа-набийю ва рахIматуллагъи ва барака-тугъ. Ассаляму аьлайна ва аьла збадил-лагъи ссалихIин. Ашгъаду аьля илягъа иляллагъ ва ашгъаду анна МухIаммада-р-расулюллагъ. Аллагъумма салли аьла сайидина МухIаммадин ва аьла али сайидина МухIаммадин ва саллим». Аттахийятулулу «илляллагъ» тIисса мукьчIан ивукун, урчIамур канил кIисса чансса гьаз буну бугъайссар, аттахийяту дурккуну кьуртал хьуннин сукку къабуллай. Мукунна дайссар шамулчинмур ва мукьулчинмур ракааьтругу. Махъра-махъсса ракааьтраву «аттахийяту» дурккуну махъ, щяивкIун унува салам булайссар цал бакI урчIа чулиннай кIура даян дурну, яла куя чулиннай кIура даян дурну, кIивагу чулухунмай «Ассаламу аьлай-кум ва рахIматуллагъ» увкуну. Ванийну чак кьуртал шайссар.

Аьли Сулайманов

## Алжаннул ахълсса

**К**урьанналуви кицл ларгун дур личи-личисса хяххиярт-ту, ахълсри: къабахъ, къяла жавж, къюмай-тутти, инжир, чассаг ва цаймигу. Миннувацца ца хъанай дур жунна ххуйну къулсса банан. Аятраву бувсун бур бананнал мурхьру Алжаннаву биклантгиву.

Мусульманнал алжаннуву хяхрхусса банан – цинявннан къулсса ахълссари, хлакьинусса къини банан хъанай дур ца яла мюнпат бумур ахълссану. Бананну дуссар личи-личисса гъаннардал. Гайннуву дуссар цаппара вацллуви цирда шайсса, ва мукунна дургъуну хяххан дувайссагу. Масала, Японнал ва Филиппиннал банан хяххан дувайссар гайннува аццив щащан. Гайннува ялагу бувайссар цакъсса хъхъару ва чяйлул чантайрду. Азиянаву шайми бананнал ахълсса дукралувун ишла къадувайссар, амма му хяххия ишла дувайссар личи-личисса цуцлавуртту хъин дуван. Мунияту чявуну личи дуллай бур дукайми бананну. Сайки 300 гъанна дукайми бананнава хлакьинусса къини личи дуллай бур нацлума ва нацл дакъами. Цалчинми дукайссар шакархъун, нацл дакъами шахайссар диклушчал, чавахъращал ягу пиринжращал ва м.ц. Укунсса бананнал вирдак диклайссар дурцусса ва тингу биклайссар нувцул кунмасса. Мюрши бананнал, цийн нахлу банан учайссар, ганил хъахъисса вирдак хъиннура нацлуссар укуннасса бананналнир. Ятлул бананнал ккиригу вирдакгу бюхъайссар банавша рангирайн даххана хъун, ми цащала машиналий ласурча ххулийх зия шайссар. Мунияту мукунса бананнал гъанна чявуминнан къаклулссар, ми чявуминнал хяххан

къадувайнутгий. Дуссар ялагу бананну къюласса, щюллисса ккиртту бусса, гъивчул тингу бусса.

Ца-цавайннал къаклулну, бананналийн мурхьрай шайсса хяххия учай, амма цурда му дур чярусса шиннардий шайсса хъуннасса урттул хяххия. Дирсса бананнал вирдакраву буссар



75% щинал, 20-22% качаруннил, 1,6% крахмалданул. Гайннуву ялагу буссар витаминну, белок ва м.ц. Банандалул ца килорал вирдакраву дуссар 970 калория. Мукунма, ххюра-ряхра банан дукарча, ахтгайнсса дуркуссаннун ккаллиссар. Хлакьинусса къини къулну бур банан душиву чурххал цулулуссагъшиврун хайр бусса ахълсса. Банандалул ххуйшиву – муниву бур чявусса витаминну, чурххан аьркинса, хлал булайсса ва цулулуссагъшиврун хъинну хъунмасса мюнпат бусса. Банан-

далуви белок щаллуну биял хъанай бакъахъурчагу, ганиву инсаннал чурххан аьркинса аминокислота дуссар. Банандалул буруччайссар чурххавусса холестерин гъарза шаврия, ттилики дурччайссар аьгушиву дуклакаврия, дайщун дувайссар атеросклерозрал цуцлаву, къюклил туннурду буруч-

ракъатлул, къюклил ва дукра лялийн даврин заралсса азардая. Банандалул вирдакраву буссар витаминну А, В, в2, В3 (РР), В6, В9, С, Е. Буссар калий, кремний, магний, натрий, фосфор, алюминий, йод, кобальт, марганец, селен, хром, цинк.

Банан ишла дувайссар къацливусса щавурду хъин дуван. Дахъва бивтгусса банандалул члапив хъинну мюрш буну, ишла бувайсса бивкссар ччувчуну хъусса щавурду хъин дуван. Банандалул тутгайн ккирисса щин дуртлуну дурсса гъалин ишла дувайсса диркссар диабет хъин дуван. Вичи цуцисса чумал мивун банандалул тутгал щин дугайсса диркссар.

### Ичлаллил дарманну

1) Кира дирсса ягу диявайсса банан дукарча, хъхъурай ягу кюрххил дачира ххюттуйн, ялунгу гъелисса щин хлачарча, кумаг шайссар къавс хъусса чумал.

2) Гъантгайнсса дуркуну мукъа ца банан ницлал къусуцал дукарча, адаминал гуж гъарза шайссар.

3) Банандалул ккири цунция хъусса кланай биширча, дурухру къашайссар. Мукунма, щуса кланттай хъусса ку гъан бувайссар.

4) Банан марцл дурну, гъиссилттух ккуччу дурну, къюласса къат дишайссар 15-20 минутгайсса лажиндарай. Мунил къавкъсса бурчу къуллу бувайссар, лажин дучан дувайссар.

5) Банан ххуйну ккуччу дуруну, хлала дувайссар лимондалул щинашчал. Мунил къат лажиндарай дишайссар хъиннува агъусса бурчу бухъурча.

Хладур бувссар  
Ахлмат Аьлишаевлул

## Аькьилсса бусаларду

### Арулва масала

Абу Оьбайдуллагъ аль-Къурший тисса адаминал бувсун бур: «Ца пулан увкуну ур архсса клантгавату лахъисса ххуллугу бивтун, аькьлукарнахъ арулва задрая цуцхиврул. Мунал увкуну бур:

– На вичан увкира вин Аллагу Таабланал дуллусса къулшивурттая бавну. Буси тухъ ссавруннаяр кумур цири; ва аьрщараяр гьартамур цири, чарияр къанкъамур цири, цараяр ккиримур цири, замгъардану-



яр дяркъумур цири, хъхъирир куртумур цири, ятиннаяр заэвма цири?

Аькьлукарнал увкуну бур:

– Марцисса инсаннай бакъу бишаву ссавруннаяргу къуссар; хлакьмур, тлайлашиву аьрщараяр гьартамур; чанмуний гъашиву дувайманал дак хъхъирир куртиссар; инсаннавусса мяшшиву цараяргу ккириссар; ххирасса инсан арх шаву замгъардануаргу бьявкъуссар, иман дакъаманал дак чарияргу къанкъассар; ашшара хъусса ламмам, дянив дичу ятиннаяргу заэвссар.

«Танбигул-гъафилин»

### Ливтуми уттава баву

Буслай бур Иса идавсища ﷺ ливтуми сагъ буван шайсса бивкшиву, Аллагънал ﷻ дуллусса къудратгайн. Цаппара бивкун бур мунайн вих къахъанай. Миннал увкуну бур:

– Ина ура уттава буллай ттигъанну ливтумий. Балики ми ливтунувагу къабикан! Сагъ ува хъхъичава ивклусса инсан.

– Зу увчума сагъ уванна, – увкуну бур идавсил.

– Нухл идавсил ﷺ арс Сам уттава ува, – тлалав буну бур гайннал.

Иса идавс ﷺ Самлул гъатгачан лавгун, чаклил кира ракаабту дурну, Аллагънахъ ﷻ чла увкуну бур Сам гъаттава изан. Аллагънал ﷻ сагъ увну ур Сам, ганал бакрайсса чларду ва чиригу къяла хъуну бивкуну бур. Халкъ махлаттал хъуну бур:

– Вил заманнай инсаннал чара къяла къашайссияха, вилсса цукунни къяла хъусса? – тий.

– Ттун бавуна гъаттава изан уллалисса чу. Му чу бавукун ттун ххива Къиямасса къини дуркисса. Муни-ясса нигъал ттул чларду къяла хъунни, – куну бур Самлул.

– Ина ивкуну махъ цими шин ларгссар, – цувххуну бур ганахъ.

– На ивкуссара мукъазарда шинал хъхъичл, амма бивклулул къурчишиву ттувату уттигу къадурккунни, – куну бур ганал.

«Танбигул-гъафилин»

### Ният

Дамири тисса аьлимчунал «Хаяту хлайванил кубра» тисса луттираву укунса бусала бур: Адам ﷺ идавс аьрщарайн ликкан увсса чумал муначан гъарца клантгавату жаванарт занан бивкуну бур идавсил барачат цайнмагу бияншиврул. Гъарца жанавардануха Адамлул ﷺ личи-личисса дуаьгу дувайсса диркуну бур.

Ца чумал муначан бюрнилт бивкуну бур. Адам ﷺ идавсил миннайх ках увкуну бурча, му ссят минная хъинну тлаансса мискрал къанкъ хъуну бур. Бюрнилт махъунмай зана хъувкун, цайми цуцлан бивкуну бур, му ци тлаансса къанкъери зяутусса, тий.



Вайннулгу бувсун бур цивппа Адамлулчан ﷺ лавгсса куц. Цайми жанавартту цаятурагу гукуннасса къанкъ дикланшиврул бавчуну бур идавсичан. Адам идавсил ﷻ гайннаха дуаьгу дурну, кахгу куну бур, амма цукунчавсса къанкъ къархъуну бур. Махъунмай зана бивкуну гай жанаварт шикаят буллан бивкуну бур, зуйх кунма жуйхгу ках увкунни, амма жуяту мискрал къанкъ дакъар, тий. Вайннулгу увкуну бур: «Жу лавгру Адамлулчан ﷺ марцисса ниятращал идавсичан зиярат буван, зурив – мискрал къункъал цанай лавгунну».

«Нузгъатул-мажалис»

### Вечерние курсы

**Муфтият РД и Дагестанский исламский университет объявляют набор слушателей на вечерние курсы, которые будут проходить с 1 октября 2015 года по 30 мая 2016 года.**

Всем желающим абсолютно бесплатно предоставляется возможность обучиться правильному совершению намаза, чтению Корана, основам Ислама и арабскому языку в свободное от работы или учебы время.

Принимаются все желающие от 15 лет.

Начало занятий с 18:00 до 20:00. Занятия проходят три раза в неделю.

Обращаться по адресу: г. Махачкала, ул. Дахадаева 136, 5-й этаж здания «Рисалат». Тел: 8988 648 45 39.

**БучИссарив барзул дикI дукаан?**

Хъунасса аьлимчу МухIаммад бин АхIмад ХатIиб аш-Ширбини «аль-Икънаъ» тIисса

луттираву чичлай ур: «Гужсса щаву диян дуван бюхъайсса михьру бусса лелуххилул дикI дукаан къабучИссар». Миннунун буххайссар барзу, къарчигъай, лачин ва м.ц.

**Инсаннал ци-бунугу бусласисса чIумал аьнч учирча, бусласимур тIайлассар тIун бикIай.**

Мяйжаннугу, Идавсил ﷺ увкуну бур: «Ци бунугу бусласиманал аьнч учирча, мунил тасттикъ буллалиссар бусласимур тIайласса бушиву» («аль-Азкар»)

**Ца-цавай тIун бикIай чак къабувайсса инсан чапурчур, тIий. Му тIайлассарив?**

Чак къабувайми бикIайссар кIива жураул: цавай – чак бувагу буван аьркин бакъассар тIимий, кIилчинми – чак буван аьркиншиву къамул булла, амма курчIил ягу цамур саварайну чак къабувайми. Чак буван къааркинссар тIимий диндалува буккайссар, чапур шайссар. КIилчинми мусульманталну личIайссар, амма хъун бунагъравун багъайссар. Имам Маликлул «Муваттаъ» тIисса

луттираву бур укунсса хIадис: «Аллагънал ﷻ Цала лагъартуннай ялув бивхъуссар къинилун ххюва чак баву. Ми чакру багъайкун бувайманан Аллагънал Алжан булунтIиссар. Чак къабувайманан Аллагънан ﷻ ччарча танмихI бувантIиссар, ччарча багъишла ивтун Алжаннавун уххан антIиссар». Ва хIадисрава жунма бувчIлай бур чак къабувайсса мусульманчув чапур къашайшиву. Чапур шайсса ивкIссания, «ччарча Алжаннавун уххан увантIиссар» къаучинссия, цанчирча, чапурчув Алжаннавун къауххайнутIий. («Мугъниль-мухIтаж»)

**Ца-цавайннал, хаснува хъаннил, хIатталлив бувкIукун цала гъан-маччаминнал гъаттардийн пиринж ягу кканпитIру дичай. БикIай аццул лисри дахIлахИссагу. Диндалува мукун буван ккаккан бувну буссарив?**

КканпитIру ягу пиринж бичаврия цукунчIавсса хайр бакъассар. Ми пиринж букан бучIайсса лелуххантрал гъаврдугу чапал дувайссар, му исрапшивугу (дачIра хъус харж даву) хъанахъиссар. ХъхъичIава заманнай диркIун дур аьдат, инсан цала гъан-маччаминнал гъаттайн увкIукун, гъаттай садакъалун дукия дишайсса, гичча мискинтурал ласуншиврул ва га гъаттаву увччуманаха дуаь дуваншиврул. Цанасса заманнай гъаттая кканпитIру ласун цуцIав къаучIанссар, мунияту садакъа буван ччиманал гъаттайн къадирчуну, мискинтуран дулача. Мува куццуй, зияратирттай дахIайсса каршив, янналул парчригу, хъхъичIава заманнай мискинтурал ласуншиврул, садакъа хIисаврай къадитайсса диркIссар.

**Гъелисса щинай чаклин иссаву дуван бучИссарив?**

Чаклин иссун гъелисса щин ишла дуван бучИссар, амма хъиннура кIирисса къахъинссар. («Мингъажул-къавим»)

**Чак бувну махъ ца-цавайннал къяпагу бувкъун бакIрайх ках учай. Муни хIучча-далил буссарив Исламраву?**

Анаслул ﷺ бувсун бур: «МухIаммад Идавсил ﷺ чак бувну махъ бакIрайх кагу дурккун, ва дуаь дуккайва: «Бисмил-лагъи ллази ла илагъа илла гъува-р-рахIману-р-рахIим». (Табарани, аль-Баззар).

**ОьрчIан мюрци хъусса янна ччуччин бучИссарив?**

Духсса янна ччуччирча бунагъ бакъассар, амма уттигу лаххан шайсса тагъарданий духъурча, мискинтуран дулурча хъинссар. Жула МухIаммад Идавсилгу ﷺ цанна цIусса янна ласайхту, духмур миски-гъаривнан дулайсса диркIссар. Жувагу мукун булларча жунмагу чире хъунтIиссар.

**ИчIув ккаччи бугъаврия Исламраву ци увкуну буссар? БучИссарив ккаччив биллан итабакълан?**

Исламрайн бувну, ккаччи бугъан бучИссар хIухчин, авчинан, шяраваллил зуманив яхъанахъиманан ва м. ц. аьркиншиву дусса чIумал, хъус ядуваншиврул. Каччив, ажартту, ятту, къячри биллали буваврия тIурча, му хIарамсса давури. Мунийн Идавсилгу ﷺ къадагъа дирхъуссар. Мукун бувайма Аллагънал ﷻ ва Идавсил ﷺ увкуну къабувмари.

**Цаманал дуркумуния лирчIмур дукавил хIакъиравусса шариаьтрал хIукму цукунссар?**

Диндалул уссил дуркуну-хIарчIун лирчIмур дукаву хъинссар, хаснува га шайх, аьлимчув, валий, загъид ухъурча, ганал барачат винмагу бияншиврул. («МафатихIул Жинан»).

Новости Аналитика Вероучение История Личности Мусульманка

**IslamLak.ru**  
РУССКО-ЛАКСКИЙ ИСЛАМСКИЙ ОБРАЗОВАТЕЛЬНЫЙ ПОРТАЛ

**ХХИРАССА БУККУЛТ!  
ДАЙДИРХЪУССАР 2016-КУ ШИНАЙНССА "АС-САЛАМ"  
ККАЗИТРАЛ ПОДПИСКА.  
ККАЗИТ ЧИЧИН ХЪУНТИССАР ЧЧИМУР ПОЧТАЛИЙ  
ВА МУКУНМА ГЪАРЦА РАЙОННАЙССА ЖУЛ  
ВАКИЛТУРАЙХЧИН.  
ККАЗИТ ЧИЧАВРИЛ ВА БИАН БАВРИЛ ХIАКЪИРАВУ  
ОВЪЧИН БЮХЪАНТИССАР ВАЙ НОМЕРДАЙН:  
8-928-250-36-66, 8-988-264-56-58**

## Рузнама

### Декабрь

Къни	КIюрххил чак	Баргъ букваву	Ахттайн чак	Ахткъьун чак	МаркIачIан чак	ХъатIан чак
1	05:17	06:58	11:40	14:00	16:18	17:48
2	05:18	06:59	11:41	14:00	16:18	17:48
4	05:20	07:02	11:42	13:59	16:17	17:48
6	05:22	07:04	11:42	13:59	16:17	17:47
8	05:24	07:05	11:43	13:59	16:17	17:47
10	05:25	07:07	11:44	13:59	16:17	17:47
12	05:27	07:09	11:45	13:59	16:17	17:47
14	05:28	07:11	11:46	14:00	16:17	17:47
16	05:30	07:12	11:47	14:00	16:18	17:48
18	05:31	07:13	11:48	14:01	16:19	17:48
20	05:32	07:15	11:49	14:02	16:19	17:49
22	05:33	07:16	11:50	14:03	16:20	17:50
24	05:34	07:17	11:51	14:04	16:21	17:51
26	05:35	07:17	11:52	14:05	16:23	17:52
28	05:36	07:18	11:53	14:06	16:24	17:53
30	05:36	07:18	11:54	14:08	16:26	17:55

Рекомендовано каноническим отделом ДУМД для г. Махачкалы